



24. marts 2014

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit GEUS-p tiguneqarsinnaanera pillugu:

(Inatsisartunut ilaasortaqaq Andreas Uldum, Demokraatit)

Tungavilersuut:

32 millioner koruunit. GEUS-p tigena taama akeqarumaartoq Inuutissarsiornermut Aatsitassanullu Naalakkersuisup taggippaa. Apeqqutigaa normu 48/2014 akigamiuk taama allaffigivaanga.

Apeqqutaavorli Inuutissarsiornermut Aatsitassanullu Naalakkersuisup akissummini aningaasartuutit tamarluinnaasa ilanngussimanerani. Siusinnerusukkut apeqqutinni ilaatigut apeqqutigaakka "sumiiffiup illutaanut aningaasartuutit". Apeqqut taanna akineqanngilaq. Taamaattumik apeqqut uteqqilaartariaqarpara:

1. Inuutissarsiornermut Aatsitassanullu Naalakkersuisup GSG-p ingerlatsivissaanik illuliornermut atatillugu qassimmita aningaasartuutaajumaartut naatsorsuutigaa?

Naatsorsuutigaa Inuutissarsiornermut Aatsitassanullu Naalakkersuisup isumaqatigissangaanga tassami illu nammineq akileralarutsigu imaluunniit illu aningaasaateqarfinit imaluunniit aatsitassarsiorfinit/uuliasiorfinit akilerneqaraluarpalluunniit aningaasartuutaasussaavoq, aningaasaateqarfimmi ingerlatseqatigiiffiillu Kalaallit Nunaanni siunertanut ajunngitsunut atugassaralutik atorlugit illuliorartariaqartussaapput. Tassa aningaasartuutaavoq, aningaasartuutitut tamakkiisunut ilanngunneqartussaqaq.

Aappaasaanik Inuutissarsiornermut Aatsitassanullu Naalakkersuisup allappoq, "Sulisut inissaat Namminersorlutik Oqartussat sulisunut inissaataannit tiguneqartassasut". Taamaasillutik Naalakkersuisut isikkoqalersippaat inissaqartitsinissaq "akeqarnavianngitsaq" Taamaattoqanngilarmi pissutigalugu sulisut ilaat kingullinngortittariaqartussaammata GSG-mi sulilersussanut naleqqiullugit. Qulaani taanereersumut illuliassatulli sulisunut inissialiornissaq inuiaqatigiinnut kalaallisut aamma imminnut aningaasartuutaasussaavoq arlaatigut pinngitsoorata akilertariaqagassarpot.

GSG-mi sulisut inissaanik sanaartortariaqassaagut sulisut allat tunullinneqatigissangaanga imaluunniit Namminersorlutik Oqartussani sulilersussat allat nammineq attartortitsisartuni inissarsiorartariaqartussaasapput. Suna tamarmik akeqarpoq maani nunarsuatsinni – aamma Nuummi ineqarneq akeqarpoq!.

Inuutissarsiornermut Aatsitassanullu Naalakkersuisup akissutaa naapertorlugu pineqarput sulilersussat 40-



t. Tassa imaappoq inissiat 30-t atorfissaqartinneqassapput sulilersussat amerlanersaat nuliisartussaammata imaluunniit aappalisartussaamata aamma imaassinnaavoq ilaqquttatik nooqatigigaat. Inissat 30-t taagakkit pissutigaaara naatsorsuutigisariaqaratsigu sulilersussat ilaat Nuummi najugaqareersut taamaasillutillu ineqareerlutik. Taamaattumik apeqqutigissavara:

2. Tigusinermut atatillugu inissianut aningaasartuutit ataatsimut qanoq annertussuseqarumaartut Naalakkersuisut naatsorsuutigaat?

Pingaaruteqarpoq Inatsisartut paaseqqissaassammassuk GSG-iulersussaq qanoq akeqassanersoq, siusinnerusukkut pisarsimasutut qoqassineqaqunata, Danmarkimiit oqartussaaffinnik tigusinitsinnut atatillugu. Tamatumunnga atatillugu eqqaalaaginnarsinnaavara peqqinnissaqarfik. Nassuiaaqqittariaqarunangilanga. Ullumikkullu GEUS-ip ukiumut atortarmagit 100 millioner koruunit (affai aningaasaateqarfinnit akilerneqartarput) naatsorsuutigisinnaagunangilarput tassani suliarineqartartut nunatsinni nangingneqarpata akikinnerulerumaartoq.

KNR-p oqallitsitsinerani Inuutissarsiornermut Aatsitassanullu Naalakkersuisoq oqarpoq, kikkulluunniit paasissutissanik pissarsiniarsinnaasarumaartut. Kingorna apeqqutinnut nr. 28/2014-mut akissummi takuneqarsinnaavoq taamaattoqanngitsiq. Akissummimi ilaatigut allassimavoq: "paasissutissat niuernermet tunngatillugu isertungaangitsut sukulluunniit pineqarsinnaassasut malittarisassat atuuttut naapertorlugit".

Aamma ingerlaqqikkutta akissummi ima allassimasoqarpoq: "Paasissutissat toqqorsivimmiilersut tamarmik pineqarsinnaanaviangillat uuliasiortunut aatsitassarsiortunullu akuersinermut atatillugu isertuusisussaataitanermut piumasaqaatitaqassammata. Paasissutissat isertungaaajunnaarpata, paasissutissat ilaat qanorluunniit atorineqarsinnaalerumaarput allallu pisiarineqarsinnaalerlutik".

Akissulli soqutiginaateqarpoq, malunnarmat Naalakkersuisut suna soqutigneraat tassalu tigusiniarlutik ujarassiornikkut paasissutissat piumallugit. Taamaattumik apeqqutigissavakka uku:

- 3. Aatsitassaatitta ineriartortinneqarnerannut qanoq kinguneqarnikuua uuliasiornermut/aatsitassarsiornermullu paasissutissaatitta GEUS-imiinnerat, assersuusianik ilangussisoqarsinnaavoq?**
- 4. Aningaasatigut qanoq iluanaarutigineqassava paasissutissanik uangut pigisaqalernerput?**
- 5. Sooruna taama pingaartigisoq uangut paasissutissanik tigungmiarnissarput – GEUS-iunngitsiq, nalunagulu paasissutissanik nioqquteqarnerup GEUS-p tigungnerani akilersinnaanaviangikkaa?**
- 6. GEUS-imik tigusinissaq naalakkersuisoqatigiit maannakkut isumaqatigiissutaanni taaneqarnikuunngilaq – sunaana pissutaasoq Naalakkersuisut ujarassiornermut misissuivimmik**



tiguserusuttannerannut? GEUS-p tigunissaa suarsuunngilaq, annertoorsuuvoq.

Demokraatini oqartussaaffinnik Danmarkimiit tiguserusuppugut periarfissaq eqqortoq takkukkaangat,. GEUS-illi tiguneqarnissaanut atatillugu maannamut Naalakkersuisunit paasissutissiissutigineqarsimasut pissutigalugit qularaarput, paasissutissat tamakkerlugit inuiaqatigiinnut apuunneqarsimassasut.

Apeqqutit akeqquneqarput ullut suliffiit nalignnaat qulit iluanni.